



111.

DEO OPTIMO MAX.

UNI ET TRINO,

VIRGINI DEIPARÆ, ET S. LUCÆ  
Orthodoxorum Medicorum Patrono.



QUÆSTIO MEDICA,

CARDINALITIIS DISPUTATIONIBUS  
*manè discutienda in Scholis Medicorum, die Jovis duodecimâ  
Februarii M. DCC. XXXIX.*

M. FRANCISCO POUSSE,  
Doctore Medico, Præside.

*An à tenuiori quam à lautiori victu firmior Sanitas?*

I.



A quæ nos alie substantia perpetuo finit, avolat & dissipatur:  
Huic jacturæ supplendæ alimenta instituit provida natura. Hinc  
frequens cibi & potûs assumptio necessaria; quæ si immodica,  
vires potiùs opprimit quam reficit. Non de brevitate vitæ quæ-  
ratur Homo, quam breviorē intemperantia sua reddit. Sa-  
piat palato non alimentorum diversitas sed simplicitas; talia  
alimenta, talis & chylus; talis chylus, talis & sanguis, ex quo ritè oriuntur  
omnes corporis functiones sanitatis integritatem constituentes. Alimentorum

A

non sit nimia moles; ventriculi motus impediretur, langueret effœta fibrarum vis oscillatoria; digestio difficilior aut abolita, aut saltem depravata foret. Succus enim gastricus quorsum penetraret massam alimentorum, dum Glandularum vasæ excretoria pondere veluti obruta & obturata strangularentur? Hinc non satis attrita nec comminuta, non satis diluta nec subacta ciborum moles ut Chyli naturam induat. Gulæ igitur minus consule quam ventriculo & sanari. Sanitas pendet à nutritione, nutritio à digestionem. Eligas ergo alimenta cœctioni idonea; præbet ultrò tenuis, reculatque lautior victus.

## I. I.

**S**ANITAS sola mortalium verà felicitas à functionum corporis integritate pendet: tandiu persistant integræ functiones quandiu vigeat solida inter & liquida æquilibrium. Solida dum premunt, iisque resistentiam opponunt fluida, quæ solidorum momentum non coërceant, vigeat sanitas. Sed caveas ne fluida inspissentur, corruerent brevi œconomix animalis ordo, cui quidem per versa victus ratio nocet non mediocriter. Primæ digestionis error nunquam ab aliis emendari potest digestionibus; hinc ventriculus non immerito dicitur morborum author & fomes. Quid mirum? Suo operi quælibet corporis destinata est pars; alia secretionis, excretionis alia munus obit; nec ab officio aberrat dum quæ secernenda aut excernenda sunt, momentum illius partis non superant: uno verbo modò liquidorum moles in primâ digestionem non præponderet, modò vis & motus ventriculi subigentis & coquentis massam alimentorum non imminuantur, tunc sanè cæteræ secretionis perfectionis gradum adipiscuntur. Quod ut obtineas victum tenuem elige.

## I. I. I.

**P**ER victum tenuem intelligas non qui parcius & exiguus nimium, sed eum cuius digestio labore caret. Vesci citra satietatem sit lex inconcussa, digestio & alimentorum dissolutio facilior feliciorque erit. His autem peragendis diceret totam incubuisse naturam, omnemque fere industriam ac vires impendisse. Masticatione primò atteruntur alimenta, mox salivali succo imbuta musculorum ope, mediante deglutitione ad ventriculum propelluntur, ibi novum præparationis gradum habitura. Ventriculus fibris muscularibus & tendinosis conflatûr, quarum longitudinales aliæ, aliæ semicirculares decussatim dispositæ sunt, dilatationis & constrictionis capaces. Glandulis innumeris succum tenuem dulcemque emittentibus interna turgere ventriculi membrana: harum aliarumque partium munus illud est alimenta recepta calore benigno fovere ac veluti incubare. Credisne summum atque integrum digestionis, opus à ventriculo? Erras. Duodenum ventriculus alter, ulteriori & perfectiori digestionem à naturâ dicatur; huius prægracilibus intestinis diameter major, anfractus triplex. Liqueorum Bilis nempe & succi Pancreatici in illius cavitatem affluxus, & vasorum Lacteorum paucitas probant massam chymosam è ventriculo delapsam aliquandiu immorari, ad novam & perfectiorem partium evolutionem & defæcationem. Jam post subactos labores nutritionem credes parem Chylum? At novam adhuc formam non modo cremoris sed & lactei laticis

colore conspicuam, qui in sanguinem per lacteas venas deductus, quinque circiter horarum spatio à pastu se immiscet. Magna autem hominis debet esse sollicitudo in alimentorum delectu ut naturæ operi nedum sanitati obfint, imo obsequantur: hoc à solo victu tenui non à lautiori sperandum.

#### I V.

**V**ICTUS ratio non tantum ab alimentorum paucitate quam à substantiâ æstimanda est. Alimenta tuendæ sanitati idonea requiruntur quæ nutriendis sustinendisque sufficiant partibus, non satûrandis, aut ingurgitandis. Sæpè abundantior vel strictior, vel viscidior alimentorum compages, ventriculi vim obtundit aut imminuit; undè Ructus, Nausea, Vomitus aliquando, membrorum languor, intestinorum tormina, sæpè morbus. Succus nutritius partes quas subit infarcit, crudusque stagnat; hinc partis obstructio, morborum acutorum aliquando, sed sæpiùs Chronicorum fomes. Victum igitur tenuem habeas. Ex animalium familiâ eligas alimenta quæ succum dulcem tenuemque præbeant; caro juvenilis sit in delectu, animalium præsertim Vitulorum, Pullorum, Agnorum &c. E piscibus numerus est ingens; ventriculo enim ut plurimum conveniunt pisces, quia non sunt strictioris & densioris substantiæ, ideoque coctû facilius. Sint inter vegetabilia triticum, oriza, lentes & ea quæ pulpam albam dulcemque continent. Inter olera herbæ quædam & radices succo subdulci turgidæ ut Lactuca, Spinacia, Beta, Brassica, Napus Sativa &c. hæc verè *Excepta* dixeris alimenta, quæ pro substantiâ molli & aquosâ in partes minutissimas facili negotio dividantur. Facilis erit partium integrantium & essentialium ab excrementitiis evolutio, facilitè succi salivalis & gastrici conglobium. Felix erit & sine tumultu digestio. Quod autem à victu tenui obtinebis, cum sanitate firmiori, morbis rariùs obnoxia proindèque incolumi magis.

#### V.

**A**T non hominum idem vitæ genus nec eadem constitutio; undè nec idem debet esse victus. In alimentorum delectu habenda est ratio ætatis, temperamenti, sexûs, anni tempestatum, regionis atque consuetudinis. Infantibus propter masticationis defectum, partiumque præsertim ventriculi imbecillitatem, Lac genuinum alimentum natura indicavit. Senibus propter partium ignaviam imminutamque perspirationem tenuia requiruntur alimenta. Adolescentes pleniorē exigunt victum propter partium accretionem perspirationemque auctam. Non eadem formis quæ maribus alimentorum competit quantitas, tûm propter partium molliorem texturam, tûm propter parciorem corporis exercitationem. Ætate eadem alimenti quæ hieme assumpta quantitas naturæ molesta est. Nec eadem est in diversis regionibus victûs ratio. Parciore esse debet dicta eorum qui meridionales incolunt plagas, dùm innoxè se se succulentioribus ingurgitant cibis qui septentrionales. Hâc in regione ubi esculentorum genus omne crescit, ubi nec frigore nimio contrahuntur, nec calore immodico solvantur artus, in victu servare modum convenit, quo posito minùs sint.

obnoxii morbis homines; sanguinis bilisque compescantur & refrœnentur  
efferi motus. Quæquidem, ut toties pronuntiavimus inconcussisque proba-  
vimus argumentis, à solo tenui victu speranda sunt, ut deinde sanguis  
aliique humores succo tenui, dulcique de novo reparentur, solidæ partes  
irroratæ motum placidum & ex naturæ votis servent, undè secretionum  
sanitatisque incolumitas.

*Ergò à tenuiori quàm à lauiori victu firmior sanitas.*

Proponebat Parisiis JOAN. LUDOVIC. BAUDE DE LA CLOY.  
Audomareus, Baccalaureus Medicus, A. R. S. H, 1739,  
à sextâ ad meridiem.